

F A C T V M.

Pour Messire Jacques de Courseulle, Cheualier de l'ordre du Roy, Conseiller & Chambrelan ordinaire, de M^oseigneur, Frere de sa maiesté, Baron de saint Remy.

Contre Messire François de Cugnac, sieur d'Ampierre.




E FAICT du proces pendant entre le sieur Baron de saint Remy tāt en son nō que cōmē pere tuteur & legitime administrateur de Honoré de Courseulle escuyer son fils, sieur de Blancafort, fils de luy, & de feu Dame Françoisse de Boucart sa femme d'une part; & du sieur Dampierre aüssien son nō, & cōmē pere tuteur & legitime administrateur des personnes & biens des enfans mineurs de luy & de feu Dame Gasparde de Boucart sa femme; est en somme que les feus sieur & dame de Boucart, pere & mere de ladite feu Gasparde en l'année mil cinq cens soixante & huit auoient faict porter quelques Coffres fermez en la maison du feu sieur de Blancafort pere de ladite feu Dame Françoisse de Boucart, femme dudit sieur Baron de saint Remy.

CES coffres y demeurent iusques apres l'Edit de Pacification qui fust publié en l'année mil cinq cens soixante & dix que la feu Dame de Boucart les enuoya querir par ses gens, lesquels les chargerent sur des charrettes, & les menerent iusques en la maison de ladite feu dame de Boucart. Qui pretend qu'apres qu'ils furent dechargez elle trouua que les serrures de quelques vns desdits Coffres auoient esté ouuerts, & qu'on luy auoit prins plusieurs bagues & ioyaux.

ELLE en accuse ledict feu sieur de Blancafort, feu dame Jeanne de Santour sa femme, & ledict sieur de saint Remy: & de faict il y a decret d'adiournement personnel contre eux, mais il aduient que au parauant que le proces fust aucunemēt instruit, ledit feu sieur de Blancafort decede & delaisse ladite feu Françoisse de Boucart sa fille vnicque & heritiere vniuerselle, laquelle deceda bien tost apres, & ne laissa qu'un seul fils dudit sieur de saint Remy & d'elle qui est ledict Honoré, &

A



quelque temps apres elle est aussi decedee ladicte feu de Sau-
tour dame de Blancafort.

LE proces estant euocqué au conseil, ladicte feu dame de
Boucarr, & apres son deces, ledit sieur & dame Dampierre
poursuiuent l'instruction du proces extraordinairement con-
tre ledit sieur de saint Remy, & luy font recoler & con-
fronter les tesmoins. Et pour le regard desdits feuz sieur &
dame de Blancafort ilz font assigner ledit sieur de saint Re-
my nommé *Qualificato* de pere tuteur & legitime administra-
teur de la personne & des biens dudit Honore de Courseulle
son fils pour reprendre le proces au lieu desdits feuz sieur &
dame de Blancafort ses ayeul & ayeule, mais il ne se trouue
aucune poursuite en ceste instance de reprise.

TOUT ce qui se trouue c'est que le dixneuisme Ian-
uier mil cinq cens soixante dixsept, ledit sieur Dampierre &
ladicte feu Gaspard sa femme, presentent vne requeste aux
fins que ledit sieur de saint Remy, tant en son nom que come
pere tuteur & legitime administrateur de la personne & biens
dudit Honore de Courseulle son fils, soit condamné de luy
rendre & restituer lesdits pretendues bagues & ioyaux, ou la
valeur d'iceux iusques a la somme de cinquante mil liures.

BREF le proces criminel ayant esté instruit contre ledit
sieur de saint Remy interuient arrest le vingt sixiesme Mars
mil cinq cens soixante & dixhuiet, par lequel sur le proces crimi-
nel les parties sont mises hors de cour & de proces sans des-
pens. Et faisant droit sur ladicte requeste du dixneuisme
Ianuier mil cinq cens soixante dixsept, le conseil a condamné
ledit sieur de saint Remy oudit nom de Pere tuteur & legiti-
me administrateur de ses enfans heritiers de ladicte feu Fran-
çoise de Boucarr leur mere fille & heritiere desdits feuz sieur
& dame de Blancafort, & encore en son nom priue pour la
part qu'il prenoit en la communauté qu'il auoit auécq ladicte
feu dame François de Boucarr sa femme de rendre & resti-
tuer audict sieur Dampierre & a ladicte feu dame Gaspard
de Boucarr sa femme lesdits pretendues bagues ioyaux bailliez
son garde ausdits feus sieur & dame de Blancafort, ou la iuste

+ & com Savau

La garde noble



valeur & estimation d'iceux, de laquelle ledit sieur Dampierre & ladicte feu dame Gasparde seroient creus iusques à la somme de huit mil esculs sol.

En cest arrest ledict sieur de saint Remy soustient qu'il y a des nullitez, & que le cōseil sous sa correctiō a erré au fait.

*Moyens
d'erreur*

P R I M O, en ce que ledict proces a esté iugé ciuilement auparavant qu'il eust esté ciuiliſé & qu'il fust instruit: L'arrest fait foy que pour le regard du proces criminel faict audict sieur de saint Remy, il n'en faut plus faire d'estat, d'autant que les parties ont esté mises hors de cour & de proces sans despēs, & pour le regard de ladicte requēste du dixneuſiesme Ianuier mil cinq cens soixante dixsept. Il est impossible de dire que en l'instance d'icelle il y eust aucune preuue de la pretendue subtraction desdites bagues & ioyaux, d'autant qu'il n'y a iamais eu d'enqueste, & qu'il n'y a vne seule piece par laquelle on puisse dire que ladicte pretendue subtraction soit verifiée: de sorte qu'il est impossible de nier que ledict proces n'aye esté iugé auparavant qu'il fust instruit, c'est vne nullité qui vient à l'erreur.

D E faire seruir l'instance du proces criminel en l'instance ciuile, on ne peult: d'autant que ayant ledit sieur de saint Remy esté mis hors de Cour & de proces en l'instance criminelle, *Iudicatum*, qu'il n'y auoit aucune preuue de ceste pretendue distraction estant certain que s'il y en eust eu, le Cōseil ne peust pas mis hors de court & de proces, ains l'eust condamné.

S E C U N D O, que ledict Honoré de Courſeulle, comme heritier desdits feuz Seigneur & dame de Blancafort ses ayeul & ayeule contre lesquels le proces extraordinaire auoit esté commencé *ſaltem*, ledict sieur de saint Remy, comme son pere tuteur & legitime administrateur auoit esté appelé pour le reprendre en leur lieu qu'il ne la pas repris: & que toutesfois il a esté condamné comme leur heritier, c'est vne autre nullité qui vient pareillement à l'erreur.

T E R T I O, le Conseil a pensé que ladicte feu dame Francoise de Boucart femme dudit sieur de saint Remy auoit succédé à ladicte feu dame de Blancafort sa mere, Et toutesfois

A ii



elle est morte long temps auparavant.

m **Q**UARTO, il a creu que ledict sieur de saint Remy, à cause de la communauté qu'il auoit avecq ladicte feu dame François de Boucart sa femme aux meubles delaissez par le trespas desdits feu sieur & dame de Blancafort. Et toutesfois la verité est qu'il n'en a iamais pris la valleur d'un liard, d'autant qu'après le decez dudit feu sieur de Blancafort, la feu dame de Blancafort sa femme, recueillit tous les meubles de sa succession, & qu'estant ladicte feu dame François de Boucart decedee long temps auparavant ladicte feu dame de Blancafort sa mere: il est impossible de dire qu'elle ait receu aucune chose des meubles de sa succession, ny de celle dudit feu sieur de Blancafort son pere, ny qu'elle les ait mis en la communauté dudit sieur de saint Remy son mary & d'elle.

v **Q**UINTO, que le Conseil a creu qu'en vertu de ladicte communauté, ledict sieur de saint Remy fust tenu payer quelque chose des debtes de ladicte feu dame François de Boucart sa femme, & toutefois *constat scripto*, par son cōtract de mariage qu'il n'en est point tenu, & consequemment qu'il ne pouvoit estre condemné d'en payer aucune portion.

PUIS que par ledict arrest, ledict sieur de saint Remy n'a esté condemné de payer ladicte somme, sinon iusques à la concurrence de la part & portion qu'il auoit avecq ladicte feu dame François de Boucart sa femme pretendue heritiere desdits feus sieur & dame de Blancafort, & qu'il appert promptement que ledict sieur de saint Remy n'a iamais en aucune part aux biens desdits feus sieur & dame de Blancafort, & qu'il n'étoit tenu au payement d'aucune portion des debtes de ladicte feu François de Boucart. Il est impossible de nyer qu'il n'y ait eu de l'erreur du fait d'auoir creu qu'il y eust part, & qu'il fust tenu au payement de ses debtes.

27 **S**EXTO, que le conseil a creu que les feus sieur & dame de Boucart auoient mis des bagues & ioyaux, & des meubles precieux dedans les coffres qu'ils auoient portez & mis en garde audict chasteau de Blancafort: & toutesfois il n'y en a point de preuue au proces: Comme aussi de verité, c'est un fait calumnieux & faux.

Que si ledict sieur de Dampierre vouloit faire seruir le proces criminel pour la preuue de ce fait. La responce est aisee qu'il n'a point esté fait contre lesdicts feu sieur & dame de Blancafort, ny contre ladicte feu dame François de Boucart leur fille, ny contre ledict Honoré de Courseulle son fils. Que pour ceste occasion il ne peult faire foy contre eux, ny contre ceux qui representér: que pour le regard dudit sieur de saint Remy: il a esté mis hors de court & de proces, *ex eo indicatum*, qu'il n'y auoit point de preuue contre luy *ad eo*, qu'il n'a point esté condamné de son chef, ains comme prenant part en ladite communauté: & consequemment qu'il est vray de dire qu'il n'y auoit point de preuue de ce fait, & que le conseil a erré de le croire.

Et si derechef ledict sieur Dampierre se vouloit preualloir de quelques lettres missiues dudit feu sieur de Blancafort, tant s'en faut qu'il y ait preuue de ce fait, que au contraire il y a preuue de sa bonne foy. D'autant qu'aucas qu'il eust fait quelques choses ausdicts Coffres, il a tousiours eu volonté de le faire reparer, & de faire rendre ce qui auoit esté pris, comme de vray il eust esté bien mary qu'aucun acte indigne eust esté commis en sa maison. Mais qu'il ait onques recognu que lesdicts prétendus bagues & ioyaux, & meubles precieux fussent ausdicts coffres, ne qu'ils y eussent esté prins, il ne s'en trouerarié.

SEPTIMO, que le conseil a creu que lesdicts prétendus bagues, ioyaux, & meubles precieux valoient huit mil escus, & toutesfois il n'y en a non plus aucune preuue au proces. Et la verité est qu'en la maison desdicts feu sieur & dame de Boucart, il n'y eust iamais pour deux mil escus de bagues & de meubles, sans l'erreur de ce fait, iamais le conseil n'eust condamné ledict seigneur de saint Remy de rendre lesdicts prétendues bagues & ioyaux iusques à la valeur de ladicte somme de huit mil escus.

ISTVD. PEIUS, & c'est vne nullité insupportable, laquelle peult estre comprise en l'erreur que ledict sieur Dampierre & ladicte dame Gasparde de Boucart sa femme, ne demandoient estre creus de la valeur desdicts pretendues bagues, & ioyaux, & meubles precieux qu'ils disoiét estre de la valeur de cinquante mil liures: sinõ ioincte la commune renommee,



& toutesfois par l'arrest ils font creuz à iurer iusques à ladicte
somme de huiet mil escus sans enquerir de ladicte commune
renommee, de sorte qu'ils ont beaucoup plus qu'ils ne deman-
doient.

*Moyens de
regle ciuile*

VOILA pour les moyens d'erreur pour le regard de la re-
queste ciuile: il y en a plusieurs moyens pertinens.

CAR en tant que touche ledit Honoré de Courseulle, il y
a de la surprise par le moyen de laquelle il n'a pas esté deffendu
en ce qu'il auoit esté appelé: pour reprendre le proces au lieu
des feus sieur & dame de Blancafort: Et toutesfois auparavant
qu'il l'ait repris, il a esté condamné: c'est vne surprise à laquel-
le il n'y a point de responce estant certain que puis qu'il estoit
appelé pour reprendre, il ne pouuoit estre condamné aupara-
uant qu'il eust repris.

DE dire que ladicte requeste du dix-neufiesme Ianuier a
esté presentees contre luy, & que sur icelle est interuenue la
condemnation, tant s'en fault qu'elle excuse la condemnatiō,
que au contraire elle l'augmente. D'autant que se confiant le-
dict sieur de saint Remy pour ledit Honoré son mineur, il ne
pouuoit estre condamné que premierement il n'eust repris,
il a seulement insisté que lesdits sieur, & dame Dampierre n'e-
stoient pas receuables en ladicte requeste, & que auparavant
auoir aucune condamnation contre ledit Honoré, il falloit
qu'il fust reçu à reprétre ledit proces, & à purger la memo-
re de ses aieul, & aieulle, & toutesfois auparavant ladicte re-
prise, il a esté condamné.

LA surprise & le dol se descourent en ce que voyans bien
lesdits sieurs & dame Dāpierre, que si ledit sieur de Saint Re-
my pour ledit Honoré de Courseulle son fils eust repris ledit
proces au lieu desdits feu sieurs & dame de Blancafort comme
il estoit appelé pour le reprétre, il eust failli de nécessité le ci-
uiler, que au lieu des recolemens & confrontations des tes-
moins, il eust fallu appointer les parties contraires, que en ce
faisant ledit Honoré de Courseulle eust peu iustifier la calum-
nie de l'accusatiō, & que par ce moyen il ce fust deffendu voia-
disie que tout cela se pouoit faire par le moyen de ladicte re-

prise. Et à fin que ledict sieur de Saint Remy ne peust deffendre ledit Honoré de Courseulle son mineur, ils ont laissé l'instance de ladite reprise, & ont présenté ladite requeste du dix-neufuiesme Ianuier. De sorte qu'il est vray de dire qui n'a pas esté deffendu, cōme à la verité, il n'y a aucunes deffences fournies de la part au fonds du proces, les pieces en font foy.

S'il eust esté deffendu, il eust soustenu que lesdits feus sieur & dame de Blancafort estoient innocens de ceste accusation. Et que lesdits feu sieurs & dame de Boucart auoient emporté tout leur or, argēt, bagues, ioyaux, & autres meubles precieux, avecques eux pour s'en aider durant les guerres, & cōsequemment qu'il n'y auoit point d'apparence de dire qu'ils les auoient mis aux coffres qu'ils auoient mis en garde audit chasteau de Blancafort. Que les coffres auoient esté rendus sains & entiers, & sans qu'ils eussent esté ouuerts crochettez, ny rompus, que jamais il ny auoit eu de bagues ioyaux & meubles precieux en la maison desdits feus sieur & dame de Boucart, pour la valeur de mille escus, il eust fourny de reproches contre les tesmoins, eust iustificié que ladiete dame de Boucart auoit donné de largēt pour les corrompre, & les faire déposer fausement, & bref il auoit vn grand nombre de moiens pour se deffendre. Et toutesfois il ne les a peu dire ny proposer n'ayant point repris le proces, & d'autant que l'instance de reprise, est encores pēdente & indecise au cōseil, mesmes que lesdictes bagues estoient, en la maison de Iars ou elles auoient esté mises en garde.

Tous ces moiens appartoient au fonds, & ne pouuoient estre deduits, ny proposez sinon apres la reprise du proces au lieu desdits feus sieur & dame de Blancafort, & partant l'instance de ladite reprise n'estant pas encores iugee, il est vray de dire que ledit Honoré n'a pas esté deffendu, *immò*, qu'il ne la peu estre, & que nous sommes au vray cas de restitution. *Si minor in deffensus maximè quæ dolo*, ledit sieur & dame Dampierre qui ont laissé ceste instance de reprise, il ne s'est peu deffendre.

Pour le particulier dudit sieur de Saint Remy en son propre & priuè nom, il est impossible de nier qu'il n'y a de la surprise, d'autant que par ledict arrest il se trouue condamné en



consequence de ladicte pretendue communauté, en vertu de laquelle on ne luy a iamais rien demandé, & sur laquelle il n'a iamais contesté escrits ny produit.

Si lesdits sieur & dama de Dampierre le vouloient faire condamner *apertamente ex capite*, de ladicte communauté, ils le debuoient demander & y faire deffendre & cōtester ledit sieur de Sainct Remy. Mais de l'auoir fait cōdemner sous ce pretexte seul, auparauant qu'il ait eu la cōmodité de ce deffendre, voire auparauant qu'il ait sçeu qu'on luy demanda en vertu de ladicte communauté. Il est impossible de nier qu'il ny ait eu du dol, & de la surprise. Or que iamais on luy ait rien demandé en vertu de ladicte pretendue communauté ny qu'il y ait deffendu, il quite la cause au cas qu'il y en ait vn seul mot au proces.

Que s'il en eust esté aduerti, il auoit de quoy se iustifier cōme il se iustifie promptemēt, qu'il ny auoit point de communauté *saltem* à cause des biens desdits sieur & dame de Blācafort pour lesquels il a esté cōdemné, & que en oultre il ne pouuoit estre obligé des debtes de ladicte feu dame François de Bocar sa femme, de sorte que la surprise pour ce regard est indubitable, & sans responce.

Contre les fins de non recepuoir de la proposition d'erreur dedit sieur de Sainct Remy supplie le Conseil de considerer qu'il sagist des droits d'un mineur lequel par l'inaduertance d'un Procureur qui a retiré les sacs, ne pouuant estre perdus que d'ailleurs toutes les productions se trouuent entieres, que l'ocasiō pour laquelle ledit sieur de Sainct Remy ne s'est pas promptement pourueu à esté cause de l'interdiction qu'il pouruiuoit contre les iuges qui auoient donné ledit arrest, laquelle par arrest donné au Conseil du Roy à esté trouuee raisonnable, & consequemment que ces pretendues fins de non recepuoir facent prejudice à vne bonne & iuste cause.

D'ailleurs les moiens de requeste Ciuille sont si clairs qu'il est impossible d'en doubter.